



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

CCCLXXXVI. Riprecht von Wirstede überläßt dem Domcapitel eine jährliche Geldrente, am 18. Oct. 1390.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

CCCLXXXIV. Die von Carpzwow verlaufen dem Domcapitel eine jährliche Rente,  
am 4. April 1390.

Heineke, Claus unde Hermann, Brudere, geheiten von Carpzwow, bekennen etc. dat wy vorkoft hebben unde vorkopen in dessen Brive Ern Hentzen Proste unde sinen Nakomen Prosten unde deme Capittel tu Brandenburg vif Schillinge Brand, Penninge odder vor die vif Schillinge ein Par Scavelen van vif Schillingen in der Havelle tu Pritzerwe, alle Jahr up funte Mertens Dage up tu nemende, vor dry Schock guder Behemischer Groschen, die sy uns darvor full und alle betalet hebben, unde seggen en der ledich unde lofs by disen Brive. Wehret, dat wy oder unse Erven die vif Schillinge odder dat Par Scavelen wedder kopen wolden, des schole wy Macht hebben unde scholen en dat up Wynachten tu weten dun unde scholen em denne up den negesten Paschen dry Schock guder Behemischer Groschen wedder geven unde betalen upper Borch tu Brandenburg. Tu Tuge etc. Gegeven tu Brandenburg MCCCXC. des Mandags in den Paschen.

Nach einer Copie im ältern Copiarie.

CCCLXXXV. Gegenerklärung des Domcapitels, vom 4. April 1390.

Ich Hentze Proft tu Brandenburg bekenne etc., dat Heineke, Claus und Hermann Brudere, geheiten von Carpzwow hebben my vorkoft unde mynen Nakomenen Prosten unde dem Capittel tu Brand. vif Schillinge Brandenburgischer Penninge oder vor die vif Schillinge ein Par Scavelen van vif Schillingen in der Havelle tu Pritzerwe alle Jahr up funte Mertens Dage up tu nemende, vor dry Schock guder Behemischer Groschen, die ick unde dat Capittel tu Brand. en dar vor ful unde all betalet hebbe, und sy seggen my unde deme Capittelle tu Brand. der ledich und lofs. Wehrett, dat sy oder ohre Erven die vif Schillinge oder dat Par Schavelen wedderkopen wolden, des scholen sie Macht hebben unde scholen my und dem Capittel tu Brand. dat up Wynachten tu weten dun unde scholen my unde dem Capittel tu Brand. denne up den negesten Paschen dry Schock guder Behemischer Groschen wedder geven und betalen upper Borch tu Brand. Tu Tuge etc. Gegeven tu Brandenburg MCCCXC. des Mandags in den Paschen.

Nach einer Copie im ältern Copiarie.

CCCLXXXVI. Riprecht von Wirftede überläßt dem Domcapitel eine jährliche Geldrente,  
am 18. Oct. 1390.

Ik Riprecht von Wirftede, Riddere, bekenne etc., dat ick hebbe vorkoft und vorkope den erbarn geistliken Luden, Ern Hentzen, Probste, und sinen Nakommen Prosten unde deme Capittel und Kerken tu Brandenburg tein Schillinge Brandeborcher Penninge in den Seen tu Wusterwitz und Moser und wes ick in derselven See gehatt hebbe, nicht utgenomen, vor drittehalf Schock guder Cruce-Groschen, dy dy Proft unde dat Capittel my all und vul betalt hebben, und segghe en by dessen Brieve des Geldes quit, ledig und lofs unde late up dat selve Gutt in dessen selven Brieve up des Prostes unde Capittels Behuf und wise die Tinflude an den Probst und an dat Capittel tu

Brandenburg sick vortmehr darmede tu haldende. Tu Orkunde etc. Tu Aken upper Elven in den Jahren Gades MCCCXC. an sunte Lucas Dage des hilgen Evangelisten.

Mynen Grutt, live Plummerdum und Claus Alebrechtes, und all die jene, die Gutt van my hebben, die scholen sick mehr holden an den Proft tu Brandenburg und an dat Capittel und vorlate gik ful und all. Des tu eme Tekene und Warheit so hebbe ick dessen Brief befegelt mit mine Ingefegelt tu Louborch an deme Dage der hilgen Juncfrowen sancte Cecillie.

Her Riprecht van Wirstede sendett disen Brieff.

Nach einer Copie im Ältern Copiarie.

CCCLXXXVII. Das Domcapittel ordnet den Gottesdienst in der Kirche zu Saringen,  
am 19. Febr. 1391.

Wy Hentze Proft, Johannes Prior und dat Capittel tu Brandenburg bekennen in dessen Brive, dat wy mett unsen Schulten-unde Buren tu Saringe findt over einkommen umme Godes-Dinst tu holden in der Kerken tu Saringe, also dat die Schulte unde Buhre und ohre Nakomelinge und Inwoner scholen ewiglike geven unfeme Vorftender gemeinliken geheiten, dem Perrerr unfer Kerken tu Crutzewitz by der Hogenwarde, ein Punt odder Wehringe eins Pundes Brand. Penninge alle Jahr vii Schillinge up sunte Johans Baptisten Dag unde vii Schillinge up Winachten unde vii Schillinge up Paschen. Darumme schal die vorgeante unse Vorftender unde Perrerr tu Crutzewitz in der Kerken tu Saringe alle Jahr Miße halden an deme Dage der Hilgen: also sunte Andrews, sunte Albrechtis unde der hilgen elf dusent Meyde, in der Hilgen die Kerke gewiehet is, unde an der Kerkwihinge Dage unde tu allen viertein Nachten eine Miße des Mandages. Wehrett, dat up den Mandach der viertein Nachte ein grott hillich Mefsdach siele, so schal die Perrerr up einen andern Dag in den viertein Nachten die Miße holden. Ok so schal der Perrerr in der Kerken tu Saringe dy Dope wien unde Kinder dopen unde Frawen inleiden unde die kranken Lude mett Gades Lichem und mett der hilgen Olinge berichten unde Doden graven up deme Kerkhove tu Saringe unde den Luden tu Saringe in der Fasten jegen Paschen Bicht horen in der Kerke tu Saringe unde dar tu schal die Perrerr den Luden einen emkenden Dag kundigen tu bichten, unde wy danne up den Dag nicht dar ist in der Kerken und bichtett, die schal em dar na folgen tu Crutzewitz unde dar bichten in der Kerken, unde dy Perrerr schol den Luden tu Saringe in dy Kerke tu Saringe Gades Licham geven alle Jahr an deme Pasche-Dage, unde dy Buhre van Saringe schalen den Perrerr unde den Custer halen von Crutzewitz unde weder tu Crutzewitz fuhren, unde wy tu Saringhe des Perrerr unde des Custers darf frawen in tu leyden, Kinder tu kersten, kranke Lude met Gades Rechte tu berichtene und Doden tu graven, ader ander Gades Recht tu dunde, die schal sie laten halen von Crutzewitz unde wedder tu Crucewitz bringen. Ock so schal men van isliken Huse tu Saringe deme Custere tu Crucewitz alle Verdeljahres geven boven sine Plege, die sie em vor plegen tu geven, en Brott. Darumme, schal he Gades Dinst helpen deme Perrerr dun in dessen vorschreven Stucken. Tu Tuge hebbe wy Proft unde dat Capittel unse Insegele laten heugen an dessen Brieff, die gegeben is tu Brandenburg MCCCXCI. in der Fasten des Sundags also men singett Reminiscere.

Nach einer Copie im Ältern Copiarie.